

Cov Tswv Yim Npaj kev Kawm Kom Nyab Xeeb rau xyoo 2020-21

Siv Cov Tswv Yim hu ua A Localized, Data-Driven Approach

Daim Ntawv Qhia rau Tsev Neeg txog lub xeev Minnesota Cov Tswv Yim Npaj kev Kawm Kom Nyab Xeeb rau xyoo 2020-21

Lub Tswv Yim hu ua A Localized, Data-Driven Approach

Thaum lub Xya Hli hnuv tim 30, 2020 tus tswv hauv lub xeev Governor Tim Walz tau qhia tawm txog cov Tswv Yim Npaj Kev Kawm Kom Nyab Xeeb es kom tag nrho cov tsev kawm ntawv nyob hauv lub xeev Minnesota yuav tsum tau ua kom tau raws li kev noj qab haus huv es tau teeb tseg los ntawm lub tuam tsev saib xyuas kev noj qab haus huv hu ua Minnesota Department of Health (MDH) thaum xaiv los yog hloov lawv lub tswv yim qhia ntawv. Lub tuam tsev saib kev kawm ntawv hu ua Minnesota Department of Education (MDE) tau tsim tawm peb qho qauv los yog tswv yim es yog kawm ntawv tim ntsej tim muag, kawm ntawv ob hnuv pem tsev kawm ntawv hos peb hnuv nram tsev hu ua hybrid learning thiab kawm ntawv kiag tom tsev hu ua distance learning. Muaj cov ntaub ntawv qhia kom ntau dua txog cov qauv ntawm no nyob rau hauv [Daim Ntawv Qhia Rau Tsev Neeg – Cov Tswv Yim Npaj Kev Kawm Ntawv rau Xyoo 2020-21](#).

Thaum kawm ntawv xyoo 2020-21, cov tsev kawm ntawv hauv paus loj thiab cov tsev kawm ntawv charter schools yuav ua hauj lwm koom tes nrog MDH thiab MDE kom los txiav txim tau siab tias hom qauv los yog hom tswv yim twg yog qhov es zoo tshaj plaws kom thiaj li muaj kev puaj phais rau cov tub ntxhais kawm ntawv, rau cov neeg ua hauj lwm thiab rau cov neeg hauv lub zej zog.

Tag nrho cov tsev kawm ntawv hauv paus loj thiab cov tsev kawm ntawv charter schools yuav tsum kom lawv muaj qhov kev xaiv los kawm ntawv tom tsev los yog distance learning rau cov tsev neeg es xaiv qhov tsis tuaj kawm ntawv tim ntsej tim muag vim yog muaj kev phom sij rau kev mob nkeeg los yog lwm yam kev txhawj xeeb txog kev puaj phais. Cov tsev neeg tsis tas yuav muaj ntaub ntawv pov thawj kom qhia txog qhov tias tsam ces ho muaj tej yam kev phom sij.

Cov tsev neeg yuav tsum tiv tauj lawv cov menyuam lub tsev kawm ntawv kom thiaj paub txog seb lawv lub tsev kawm ntawv cov qauv los yog cov tswv yim koj los qhia ntawv rau xyoo 2020-21.

Cov ntaub ntawv qhia hauv qab no piav kom meej txog cov kev xav tias tag nrho cov tsev kawm ntawv yuav tsum tau ua raws nram es yog tsim tawm los ntawv lub tuam tsev MDH thiab MDE.

Kev Cob Qhia txog Kev Noj Qab Haus Huv rau cov Pej Xeem Thuaj Pais

Kom cov tsev kawm ntawv hauv paus loj thiab cov tsev kawm ntawv charter school yuav tsum ua kom tau raws li kev cob qhia los ntawm lub tuam tsev MDH thaum tuaj kawm ntawv.

Kev xav kom yuav tsum tau xyaum ua kom zoo tshaj rau:

- Sib nrug deb thiab txo qhov nyob ze nrog tus kabmob
- Npog ntsej muag
- Tiv thaiv pawg neeg es lub cev tsis tshua khov ntxim raug mob yooj yim
- Xyaum tu tus kheej kom hu si
- Tu kom huv si
- Soj ntsuam xyuas tus yam ntxwv mob
- Xoom xaim los yog paub tseeb tias kis tus kab mob COVID-19
- Dej thiab cov chaw nqus cua nkag thiab tawm
- Kev siv tsheb thauj mus los
- Txhawb rau kev noj qab nyob zoo saum lub hlwb thiab ntawm tus kheej

Yog hais tias ib lub tsev kawm ntawv hauv paus loj los yog ib lub tsev kawm ntawv charter school twg paub tias lawv yuav ua tsis tau kom muaj kev puaj phais rau kev noj qab haus huv thaum tuaj kawm ntawv tim ntsej tim muag los yog kawm hybrid learning, lawv yuav tsum tau siv tus qauv es kawm tom tsev los yog distance learning los qhia lawv cov tub ntxhais kawm ntawv.

Txiav txim siab txog Qhov Qauv los yog lub Tswv Yim Kev Kawm kom puaj phais thaum Pib kawm ntawv yog lub twg

Cov zej zog thoob plaws hauv lub xeev Minnesota mas yeej tau raug txog tus kab mob COVID-19 no mas qhov kev raug kuj rau sib txawv. Thaum tej qhov chaw kuj muaj kab mob sib kis ntau heev, tej lub zej zog hos tsis muaj kev sib kis ntau. Txawm tias yuav muab ntau yam los luj thaum yuav muaj kev txiav txim siab txog qhov qauv los yog lub tswv yim twg yuav coj los siv thaum pib kawm ntawv thaum qhib tsev kawm ntawv xyoo no, qhov txheej txheem coj los txiav txim siab yuav tsum tau saib xyuas txog cov ntaub ntawv qhia txog kev noj qab haus huv kev mob ntawm lub zej zog ntawd.

Tom qab xaiv tau lub tswv yim qhia ntawv thaum pib kawm ntawv rau xyoo ntawd lawm, qhov kev txiav txim siab yuav hloov mus rau lwm lub tswv yim los yog tus qauv qhia mas kev txiav txim siab yuav tsum yog soj ntsuam xyuas seb tus kab mob COVID-19 ho muaj kev tshwm sim li cas rau hauv tsev kawm ntawv thiab hauv lub zej zog. Cov tsev kawm ntawv hauv paus loj thiab cov tsev kawm ntawv charter school es tau tawm tswv tias yuav hloov lawv qhov tswv yim qhia ntawv rau lawv lub tsev kawm ntawv los yog thoob plaws hauv cov tsev kawm ntawv hauv paus loj yuav tsum tau hloov kom tsis txhob muaj kev phom sij rau cov neeg ua hauj lwm hauv tsev kawm ntawv thiab cov tub ntxhais kawm ntawv.

Muaj cov ntaub ntawv qhia kom ntau dua txog cov qauv ntawm no nyob rau hauv [Daim Ntawv Qhia Rau Tsev Neeg – Cov Tswv Yim Npaj Kev Kawm Ntawv rau Xyoo 2020-21](#).

Npog Ntsej Muag

Npog ntsej muag yog qhov yuav txo kom tus kab mob COVID-19 tsis txhob sib kis coob coob. Tag nrho cov tub ntxhais kawm ntawv, cov xib fwb qhia ntawv, thiab lwm cov neeg es nyob hauv lub tsev kawm ntawv thiab cov hoob kas ua hauj lwm nram hauv paus loj los yog caij cov tsheb es yog tsev kawm ntawv li ntiag tug mas yuav tsum tau npog ntsej muag.

Daim Ntawv Qhia rau Tsev Neeg txog lub xeev Minnesota Cov Tswv Yim Npaj kev Kawm Kom Nyab Xeeb rau xyoo 2020-21 Cov xib fwb qhia ntawv kuv looj tau ib daim yas es thaiv lub ntsej muag (ib daim yas npog ntsej muag es pom tshab es thaiv ntsej muag).

Npog ntsej muag mas yuav tsum tsis txhob npog rau cov menyuam es muaj hnuv nyoog qis tshaj 2 xyoos, ib tug neeg twg es muaj teeb meem ua pa los yog tsis xeev lawm, ib tug neeg es tsis muaj zog los yog tsis muaj zog tshem daim npog ntsej muag yam tsis muaj neeg pab nws tshem, los yog ib tus neeg twg es looj tsis tau lub npog ntsej muag vim yog nws muaj tej yam mob xws li lub hlwb tsis paub tab, muaj ib tug mob, los yog tswj tsis tau nws tus cwj pwm.

Lub xeev Minnesota yuav muaj pub ib daim ntaub npog ntsej muag rau txhua txhua tus tub ntxhais kawm nyob qib k-12 thiab pub rau txhua txhua tus xib fwb qhia ntawv. Txhua lub tsev kawm ntawv yuav tau txais peb daim npog ntsej muag rau ib tug tub ntxhais kawm twg thiab daim yas thaiv ntsej muag kom pom tshab rau cov xib fwb.

Txheej Txheem Kuaj tus kab mob COVID-19 es yuav ua li cas

Thaum cov tsev kawm ntawv ua txhua yam kom tiv thaiv kom tus kab mob COVID-19 tsis txhob sib kis, los kev sib kis kuj yuav muaj tshwm sim nyob rau hauv tsev kawm ntawv. Yog hais tias muaj ib tug neeg nyob hauv lub tsev kawm ntawv es muaj qhov xoom xaim tias tsam nws muaj tus kab mob COVID-19 los yog mus kuaj tau tias nws muaj tus kab mob COVID-19, lub tsev kawm ntawv yuav ceeb toom qhia rau chav saib kev noj qab haus huv hu ua Departments of Health thiab Education.

Qhov es cia li kuaj tus mob no ib ntus ib zaug mas tsis pom zoo kom kuaj hauv tsev kawm ntawv. Kev kuaj mob yuav tsum tsis txhob siv rau qhov kev es nkag los hauv tsev kawm ntawv los yog cuv npe kawm ntawv rau cov xib fwb, cov tub ntxhais kawm ntawv, los yog rau cov tsev neeg.

Tswv Yim Npaj txog Kev Sib Txuas Lus nrog Cov Tub Ntxhais Kawm Ntawv thiab Cov Tsev Neeg

Cov tsev kawm ntawv hauv paus loj thiab cov tsev kawm ntawv charter school yuav tsum tau qhia txog lawv qhov qauv qhia ntawv los yog lub tswv yim es yog qhia tim ntsej tim muag, qhia hybrid learning, thiab kawm tom tsev distance learning rau cov tub ntxhais kawm ntawv thiab lawv tsev neeg es tsis pub dhau ib asthiv ua ntej yuav pib kawm ntawv ntawm xyoo 2020-21. Cov tsev kawm ntawv yuav tsum tau muaj cov ntaub ntawv qhia no nyob rau hauv lawv qhov website.

Cov tsev kawm ntawv hauv paus loj thiab cov tsev kawm ntawv charter schools yuav tsum sim qhia txog cov ntaub ntawv no es yog muab hais ua lus qhia thiab ho sau ntawv qhia es yog siv hom lus kawm ntawm lawv lub tsev kawm ntawv. Cov tswv yim npaj no yuav tsum piav kom meej tias cov tsev kawm ntawv yuav muaj kev sib txuas lus li cas nrog cov tub ntxhais kawm ntawv thiab lawv tsev neeg thiab cov tub ntxhais kawm ntawv thiab cov niam txiv yuav tiv tauj li cas thiaj li tiv tauj tau nrog cov tsev kawm ntawv. Cov tsev kawm ntawv yuav tsum tau qhia tias kev qhia ntawv ne ho yuav qhia

zoo li cas, cov tsev neeg ho yuav mus nqa zaub mov noj tau li cas thiab kev saib xyuas cov menyuam muaj hnuv nyoog kawm ntawv (school-age care) thiab cov ntaub ntawv qhia txog tej yam cuab yeej technology es lawv xav tau.

Kev saib xyuas cov menyuam muaj hnuv nyoog kawm ntawv (school-age care)

Ib lub tsev kawm ntawv hauv paus loj los yog tsev kawm ntawv charter school es siv qhov qauv hybrid los yog kawm ntawv tom tsev distance learning yuav tsum muaj kev zov thiab kev saib xyuas cov menyuam muaj hnuv nyoog kawm ntawv (school-age care) es muaj hnuv nyoog 12 xyoos thiab qis dua es lawv yog cov menyuam ntawm cov neeg ua hauj lwm tseem ceeb nyob rau them Tier 1 es tau teev tseg hauv daim ntawv ntawm lub xeev es [teeb cov hauj lwm es tseem ceeb \(critical worker list\)](#).

Cov tsev kawm ntawv hauv paus loj los yog tsev kawm ntawv charter schools kuj muaj tau kev zov menyuam ua ntej thaum lub sij hawm pib kawm ntawv thiab tom qab tsev kawm ntawv lawb thiab tej zaum kuj yuav muaj mentsis nqi rau koj them. Cov tsev kawm ntawv tsis tas kom yuav tsum tau zov menyuam thaum cov hnuv es tsis muaj qhia ntawv.

Mov Noj Hauv Tsev Kawm Ntawv

Cov tsev kawm ntawv hauv paus loj thiab cov tsev kawm ntawv charter school yuav tsum kom muaj zaub mov rau cov tub ntxhais kawm ntawv noj rau cov hnuv es kawm ntawv kom ntev li ntev tau.

Kom Muaj Kev Xaiv Qhov Kawm Tom Tsev (Distance learning)

Txhua lub tsev kawm ntawv hauv paus loj thiab cov tsev kawm ntawv charter schools yuav tsum kom muaj qhov kev xaiv los mus kawm ntawv tom tsev los yog distance learning rau txhua txhua tsev neeg es lawv tsis kam xaiv qhov kev kawm tim ntsej tim muag vim yog muaj kev phom sij rau kev mob nkeeg los yog lwm yam kev txhawj xeeb. Cov tsev neeg tsis tas yuav muaj ntaub ntawv pov thawj kom qhia txog qhov tias tsam ces ho muaj tej yam kev phom sij.

Kom muaj cov cuab yeej Technology los siv

Cov tsev kawm ntawv hauv paus loj thiab cov tsev kawm ntawv charter schools es tsis muaj kev kawm tim ntsej tim muag yeej xav kom lawv pub lawv cov tub ntxhais kawm ntawv kom lawv ceev cov cuab yeej technology es pub rau lawv siv kom muab rau lawv kom tag nrho lub xyoo kawm ntawv ntawm 2020-21 no. Cov tsev kawm ntawv hauv paus loj thiab cov tsev kawm ntawv charter schools yuav tsum pab kho kom cov cuab yeej no ua hauj lwm thaum twg yog puas lawm.